

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Biblia Das ist Die gantze Heylige Schrift Teutsch**

**Luther, Martin**

**Franckfurt am Mayn, 1560**

**VD16 B 2747**

Illustration: [Hinterhalt in Gibeä]

**urn:nbn:de:bsz:31-62174**



25000. erschla-  
gen.  
tages/ vnd schlügen von den kindern Israel noch achtzehen tausent zu boden / die alle das schwärt füreten.

**A** D zogen alle kinder Israel hinauff/ vnd alles volck/ vnd kamen zum hause Got-  
tes/ vnd weineten/ vnd blieben daselbs für dem HERR/ vnd fasteten den tag  
bis zu abent/ vnd opfferten Brandopffer vnd Danckopffer für dem HERR. Vnd  
die kinder Israel fragten den HERR/ (Es war aber daselbs die Lade des Bundes  
Gottes zu derselbigen zeit/ vnd Pinehas/ der sohn Eleasar Aarons sohn/ stünd für  
ihm zu derselbigen zeit) vnd sprach / Sollen wir mehr außziehen zu streiten mit  
den kindern Ben Zamin vnsern Brüdern / oder sol ich ablassen? Der HERR sprach/  
Ziehet hinauff/ Morgen wil Ich sie in ewere hende geben.

**Pinehas**  
Vnd die kinder Israel bestelleten einen hinderhalt auff Gibeä vmbher/ vnd zogen  
also die kinder Israel hinauff/ des dritten tags an die kinder Ben Zamin / vnd rüste-  
ten sich an Gibeä/ wie vor zweyn mals. Da führen die kinder Ben Zamin herauf  
dem volck entgegen/ vnd rissen sich von der Statt/ vnd fiengen an zuschlagen/ vnd zu-  
uervunden vom volck/ wie vor zweymals im feld auff zwo strassen/ derē eine gen Be-  
thel/ die ander gen Gibeä gehet/ bey dreissig man in Israel. Da gedachten die kinder  
Ben Zamin/ Sie sind geschlagen für vns/ wie vorhin. Aber die kinder Israel spras-  
chen/ Lasset vns fliehen/ das wir sie von der Statt reissen auff die strassen.

Ich spricht Gott  
wils thun. Dieser  
habe irs wollen thun  
Aber es heist. Ich  
nicht ihr.



B

Da machten sich auff alle man von Israel von irem ort/ vnd rüsteten sich zu Ba-  
al Thamar. Vnd der hinderhalt Israel brach herfür an seinem Ort / von der hôle  
Gaba/ vnd kamen gegen Gibeä zehen tausent Man/ aufferlesen auß gantzem Isra-  
el/ das der streit hart ward/ sie wusten aber nicht/ das sie das vnglück treffen würde.  
Also schlug der HERR Ben Zamin für de kindern Israel/ das die kinder Israel auff  
den tag verderbeten fünff vnd zwentzig tausent/ vnd hundert man in Ben Zamin/ die  
alle das schwärt füreten. Denn da die kinder Ben Zamin sahen/ das sie geschlagen  
waren/ Gaben ihnen die Memner Israel raum/ Denn sie verliessen sich auff den hin-  
derhalt/ den sie bey Gibeä bestellet hatten/ vnd der hinderhalt eilet auch/ vnd brach  
herfür zu Gibeä zu/ vnd zog sich hinahn/ vñ schlug die gantze Statt mit der scherps-  
se des schwärts.

Der HERR schlag  
sie nicht Israel/ denn  
es heist / Gloria in  
excelsis Deo/ etc.

25000. auß  
Ben Zamin  
erschlagen.

b iij Sie